



Na osnovu člana 2. stav 1. tačka l) 2., člana 69. stav 2. tačka d) i 70. stav 1. 4. i 6. Zakona o javnim nabavkama („Službeni glasnik BiH“, broj 39/14, 59/22), u otvorenom postupku za izgradnju ambulante porodične medicine sa pratećim sadržajima u MZ Perin Han, Gradonačelnik donosi:

ODLUKU
o poništenju postupka javne nabavke

Član 1.

Poništava se otvoreni postupak za izgradnju ambulante porodične medicine sa pratećim sadržajima u MZ Perin Han, iz razloga što nijedna zaprimljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-3246/24 od 19.02.2024. godine. Obavještenje o nabavci broj: 1355-1-3-14-3-47/24 objavljeno je na Portalu javnih nabavki dana 27.02.2024. godine kao i u Službenom glasniku BiH broj: 14/24 od 08.03.2024. godine.

Procijenjena vrijednost za predmetnu nabavku iznosila je 1.500.000,00 KM bez PDV-a.

U krajnjem roku za dostavu ponuda, Ugovorni organ zaprimio je dvije ponude: ponudu ponuđača „INTER“ d.o.o. Tešanj i ponudu ponuđača „ITC“ d.o.o. Zenica koje su neprihvatljive, iz sljedećih razloga:



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Ponuđač „INTER“ d.o.o. Tešanj je dostavio ponudu u vrijednosti od 1.805.319,49 KM bez PDV-a, a procijenjena vrijednost nabavke iznosi 1.5000.000,00 KM bez PDV-a, što ponudu ponuđača „INTER“ d.o.o. Tešanj čini neprihvatljivom, a u skladu sa članom 2. stav 1. tačka 1) 2. Zakona o javnim nabavkama (“Službeni glasnik BiH”, broj: 59/22). Ponuda ponuđača ne ulazi u dalju evaluaciju ponuda.

Ponuđač „ITC“ d.o.o. Zenica dostavio je ponudu koja sadrži samo Obrazac za cijenu ponude – Aneks II, i ne sadrži ostale elemente ponude, kao ni kvalifikacionu dokumentaciju koja bi činila ponudu, što nije u skladu sa tenderskom dokumentacijom niti Zakonom o javnim nabavkama, zbog čega se ponuda ponuđača „ITC“ d.o.o. Zenica odbacuje kao neprihvatljiva, u skladu sa članom 68. stav 4. tačka i) Zakona o javnim nabavkama i ne ulazi u dalju evaluaciju ponuda.

S obzirom na navedeno, Ugovorni organ poništava postupak javne nabavke u skladu sa članom 69. stav 2. tačka d) Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem Ugovornog organa: Grad Zenica, Služba kabineta Gradonačelnika, Trg BiH 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Broj: 02-11-3246-2/24

Datum: 01.04.2024. godine

DOSTAVLJENO :

- 2 x Ponuđač
- 1 x Služba kabineta Gradonačelnika
- 1 x Tenderska dokumentacija
- 1 x a/a

